

Երեխային շաբաթը մի անգամ լողացնում են, որ տեղում է 40 օր, իսկ ծծից կտրելու համար ստինքի պտուկների վրայ սխտոր կամ պղպեղ են քսում, երբեմն նաև խաբում, սաստում մինչև որ հետզհետե վարժվելով մոռանում է ծիծ ուտելը:

Երբ երեւում է երեխայի առաջին կաթնատամը, ցորեն են խաշում, հատիկ պատրաստում և երեխայի գլխին մի թաշկինակ պցելով՝ ածում են գլխին, ապա բաժանում տան անդամներին: Եթէ երեխան ուշ է լեզու ելնում, ուխտ են անում:

Օրօցք: Փէրիայում գեռ գոյութիւն ունի աւանդական «օրօցքը»: Դա երկու կիսաղեղնաւոր ստեքերի վրայ չորս ուղղահայեաց և հորիզոնական ձողիկներից բաղկացած և վերևից կամարներով աղեղնաւորւած փայտէ շինւածք է, որի մէջ ցանցաձև չւանէ հիւսւածքի վրայ փաւած է փոքր բարձիկով անկողինը: Նորածինը մերկացնում և տարածում են անկողնի վրայ. ապա՝ բազուկները կողքերին կամ կրծքին խաչաձևած՝ «փորլաթը» դնում որովայնի վրայ, ձգում վերմակը և «փորկապով» կապելուց լետոյ, սկսում են օրօրել:*

ԱՆՈՒՆ: Երեխայի անունը սովորաբար գերդաստանի մեծն է ընտրում կամ հայրը և կամ քահանան. ահա ամենագործածական անուններն իրենց կրճատումներով.

ՏՂԱՄԱՐԴԿԱՆՑ

ԿԱՆԱՆՑ

Արրահամ — Արրամ.	Ալմաստ — Էլմաս.
Արգար — Արկնար.	Աննա.
Այվազ.	Արեգնազան — Արեգնազ.
Անդրէաս — Անդուլ, Անդրաս.	Բալասան.
Աշոտ.	Գիւղէլ — Կէօղէլ.
Առաքել — Առադել, Ըռաքել.	Եղիսարիթ — Եղիսա, Աղսա- րիթ.
	Գալօ.
Աստւածատուր-Ասատուր, Ալլահ- վէրդի, Խուտավէրդի.	Թագուհի — Թագուլ.
Արշամ.	Խաչիսաթուն — Խաչալ.
Արամայիս.	Խաթուն.
Արտաշէս — Արտազ.	Խաթայի.
Արիստակէս — Արստակ.	Մադիկ — Մադկուլ.
	Կատարինէ — Կատան, Տատան.

* Փէրիացի մայրը շափազանց նախապաշարած մի կին է. նա գաւախին «չար աչքից» հեռու պահելու համար օրօրոցի վրայ յուսութիւններ է կապում, մազերին կապոյտ-կանաչ ուլունքներ կախում, դանակով «խաչաձև» աղօթում կալն: